

ერთის მხრივ ა(ა)იპ „საერთაშორისო ინიციატივა განვითარებისა და თანადგომისათვის“ (შემდგომში

„შემსყიდველი“) წარმოდგენილი მისი დირექტორის ვახტანგ ფოჩუხას სახით და მეორეს მხრივ, შპს „ტექნოჰაუს“ (შემდგომში „მიმწოდებელი“) წარმოდგენილი მისი დირექტორის მეჰმეტ მელეჟის სახით, სახელმწიფო შესყიდვების კანონის თანახმად, ელექტრონული ტენდერის (SPA210001213) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- 1.6. „ფასების ცხრილი“ – სატენდერო დოკუმენტაციის დანართი N1 ფასების ცხრილი-ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი

2. ხელშეკრულების საგანი

2.1 ა(ა)იპ „საერთაშორისო ინიციატივა განვითარებისა და თანადგომისათვის“ ოფისის მენეჯერის 2021 წლის 9 თებერვლის N 006 მოხსენებითი ბარათის თანახმად, ამავე ორგანიზაციის 2021 წლის ბიუჯეტის ფარგლებში 2 ერთეული კედლის კონდიციონერის (CPV 42512200 - კედლის კონდიციონერები) სახელმწიფო შესყიდვა თანმდევი სტანდარტული მონტაჟის მომსახურებით.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს 3 446.00 (სამი ათას ოთხას ორმოცდაექვსი ლარი) ლარს დღგ-ს ჩათვლით.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მოწოდებასთან დაკავშირებულ მიმწოდებლის ყველა ხარჯს, საქართველოს კანონმდებლობით გათვალისწინებულ გადასახადებს.
- 3.3 ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 3.4 საქართველოს სამოქალაქო კოდექსის 398-ე მუხლით გათვალისწინებულ შემთხვევებში ფასის ცვლილება დასაშვებია არაუმეტეს ხელშეკრულების ჯამური ღირებულების 10%-ით.

4. ხელშეკრულების შესრულების კონტროლი

- 4.1. ხელშეკრულების კონტროლს შემსყიდველის მხრიდან ახორციელებს დირექტორის მოადგილე გიორგი ჟღენტი.
- 4.2. კონტროლი გულისხმობს შესაბამისობის დადგენას ხელშეკრულებით გათვალისწინებულ ტექნიკურ პირობებთან, ხელშეკრულების პირობების შესრულებას, მიწოდებისათვის აუცილებელი პირობებისა და ნორმების დაცვას.
- 4.3. „შემსყიდველი“ ორგანიზაცია უფლებამოსილია აწარმოოს შესასყიდი საქონლის ხარისხის კონტროლი ხელშეკრულების მოქმედების ნებისმიერ ეტაპზე, მთ შორის ვადის ამოწურვის შემდეგ საგარანტიო პირობებით განსაზღვრული ვადის ფარგლებში.
- 4.4. „მიმწოდებელი“ ვალდებულია საკუთარი ხარჯებით (ტრანსპორტირების ჩათვლით) უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა და წუნდებული შესყიდვის ობიექტის შეცვლა.

5.შესყიდვის ობიექტის მიღება ჩაბარების წესი:

5.1 შესყიდვის ობიექტის მიღება-ჩაბარება ფორმდება მიღება-ჩაბარების აქტით.

5.2 მიღება-ჩაბარების აქტის გაფორმებას შემსყიდველი განახორციელებს: შესაბამისი ანგარიშ-ფაქტურის/სასაქონლო ზედნადების გამოწერის, საფუძველზე.

5.3. მიღება-ჩაბარების აქტზე უფლებამოსილ ხელმომწერ პირებად, შემსყიდველის მხრიდან განისაზღვრება დირექტორი ვახტანგ ფოჩხუა და დირექტორის მოადგილე გიორგი ჟღენტი.

6. შესყიდვის ობიექტის მიწოდების ვადა, და ადგილი

6.1 მიმწოდებელი შესყიდვის ობიექტის მიწოდებასა და სტანდარტულ მონტაჟს განახორციელებს შემდეგ მისამართზე: ქ. თბილისი, ალ. ყაზბეგის 42 .(იურიდ./ფაქტ.)

6.2. შესყიდვის ობიექტის მოწოდება განხორციელდება ხელშეკრულების გაფორმებიდან 15 (თხუთმეტი) კალენდარული დღის განმავლობაში.

6.2 ხელშეკრულების დამდებ არცერთ მხარეს არა აქვს უფლება შეიტანოს შესყიდვის ობიექტის მოწოდების პირობებში ცვლილებები ურთიერთშეთანხმების გარეშე.

7. ანგარიშსწორების ფორმა, ვადები და პირობები

7.1. სატენდერო წინადადების ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით;

7.2 ანგარიშსწორება მოხდება უნაღდო ანგარიშსწორებით, ეროვნულ ვალუტაში.

7.3. „მიმწოდებელთან“ ანგარიშსწორება განხორციელდება ფაქტობრივად მოწოდებული საქონლის შესაბამისად, უნაღდო ანგარიშსწორების ფორმით, ეროვნულ ვალუტაში.

7.4. საბოლოო ანგარიშსწორება „შემსყიდველსა“ და „მიმწოდებელს“ შორის მოხდება მიღება-ჩაბარების აქტის, სასაქონლო ზედნადების და/ან საგადასახადო ანგარიშ-ფაქტურის გამოწერიდან 10 (ათი) სამუშაო დღის განმავლობაში.

8. პირგასამტეხლო ხელშეკრულების პირობების შეუსრულებლობისათვის

8.1. ხელშეკრულების 2.1 ქვეპუნქტით განსაზღვრული საქონლის მიწოდების ვადებისა და პირობების დარღვევის შემთხვევაში, მიმწოდებელს ეკისრება პირგასამტეხლო შესაბამისად ყოველ ვადაგადაცილებულ დღეზე ხელშეკრულების ღირებულების

0.02%-ის ოდენობით.

8.2 ხელშეკრულების მე-4 და მე-12 მუხლით განსაზღვრული ვადების დარღვევის შემთხვევაში მიმწოდებელს ეკისრება პირგასამტეხლო შესაბამისად, ყოველ ვადაგადაცილებულ დღეზე წუნდებული ნივთის ღირებულების

0.02%-ის ოდენობით.

8.3 ხელშეკრულების 7.3 პუნქტით განსაზღვრული ვადის დარღვევის შემთხვევაში შემსყიდველს ეკისრება პირგასამტეხლო შესაბამისად ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.

8.4 იმ შემთხვევაში, თუ დამრღვევ მხარეზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 0.5 (ნული მთელი ხუთი მეათედი) %-ს, მეორე მხარე იტოვებს უფლებას

შეწყვეტოს ხელშეკრულება და მოსთხოვოს დამრღვევ მხარეს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

8.5 პირგასამტეხლოს გადახდა არ ათავისუფლებს დამრღვევ მხარეს ძირითადი ვალდებულებების შესრულებისაგან.

9. ხელშეკრულებაში ცვლილების შეტანა და ხელშეკრულების შეწყვეტა

9.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, რომელიც ჩაითვლება ხელშეკრულების განუყოფელ ნაწილად.

9.2. თუ რაიმე წინასწარ გაუთვალისწინებელი მიზეზების გამო წარმოიშვება ხელშეკრულების პირობების შეცვლის აუცილებლობა, ცვლილების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.3. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობების მოქმედების ცალმხრივად შეწყვეტის შესახებ.

9.6 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს ხელშეკრულებით გათვალისწინებული ვალდებულებების შესრულებისაგან.

10. დაუძლეველი ძალა

10.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

10.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

10.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

11. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. გარანტია და საგარანტიო მომსახურების პირობები

12.1 მიმწოდებელი იძლევა მიწოდებული შესყიდვის ობიექტის არსებულ სტანდარტებთან შესაბამისობის გარანტიას, რომ შესყიდვის ობიექტი იქნება ახალი, არა მეორადი ქარხნულად აღდგენილი/გადამუშავებული.

12.2. შესყიდვის ობიექტის სრულფასოვანი ფუნქციონირების საგარანტიო ვადა განისაზღვრება მიღება ჩაბარების აქტის გაფორმებიდან არანაკლებ 1 (ერთი) წლის ვადით.

12.3. საგარანტიო პერიოდში კონტროლი ხორციელდება ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.

12.4. შესყიდვის ობიექტ(ებ)ის დაზიანების შემთხვევაში (ნებისმიერი სახის ქარხნული ნაკლის / დეფექტის / წუნის / დაზიანების აღმოჩენა) შემსყიდველის მხრიდან წერილობითი ან ელექტრონული ფოსტის საშუალებით შესაბამისი შეტყობინების მიღებიდან 7 (შვიდი) კალენდარული დღის ვადაში მიმწოდებელი ვალდებულია საკუთარი სახსრებით და ხარჯებით უზრუნველყოს დაზიანებული საქონლის შეკეთება, ხოლო თუ ამ პერიოდის განმავლობაში ვერ მოხერხდა შეკეთება, უზრუნველყოს მისი ახლით შეცვლა არაუგვიანეს 30 (ოცდაათი) კალენდარული დღის ვადაში.

12.5. თუ მიმწოდებელი 1. პუნქტით განსაზღვრულ საგარანტიო პერიოდში ვერ უზრუნველყოფს შესყიდვის ობიექტ(ებ)ის ექსპლუატაციის პროცესში წარმოშობილი ხარვეზების აღმოფხვრას ან ახლით შეცვლას, შემსყიდველი უფლებამოსილია მიმართოს სასამართლოს ზიანის ანაზღაურების მოთხოვნით.

13. ხელშეკრულების მოქმედების ვადა

ხელშეკრულება ძალაში შედის კვალიფიციური ელ. ხელმოწერით ან კვალიფიციური ელ. შტამპით დადასტურებიდან და მოქმედებს 2021 წლის 31 დეკემბრის ჩათვლით, ამასთანავე ხელშეკრულება იურიდიულ ძალა ინარჩუნებს, ხელშეკრულების 12.2. პუნქტში მითითებულ პერიოდამდე.

14. სხვა პირობები

ხელშეკრულება შედგენილია ქართულ ენაზე და ხელმოწერილია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების მოთხოვნის შესაბამისად.

15. მხარეთა რეკვიზიტები

„შემსყიდველი“

„მიმწოდებელი“

ააიპ „საერთაშორისო ინიციატივა
განვითარებისა და თანადგომისათვის“

შპს. „ტექნოჰაუს“

ქ. თბილისი, ალ. ყაზბეგის გამზ N42
ს/კ 405364092

სოფელი დილომი, ფარსადანის N5
ს/კ 205277608

მ/ზ _ხაზინის ერთიანი ანგარიში
ბ / კ TRESGE22
მიმღების ანგარიში/სახაზინო კოდი _302003287

სს „თი ბი სი ბანკი“
მ/ზ TBCBGE22
ანგ.№ GE31TB1949936020100006

დირექტორი
ვახტანგ ფოჩხუა

დირექტორი
მეჰმეთ მელექი

ფ ა ს ე ბ ი ს ც ხ რ ი ლ ი

№	საქონლის დასახელება/აღწერილობა	მწარმოებელი ქვეყანა, მწარმოებელი კომპანია, მოდელი	რაოდენობა	ერთეულის ფასი	ფასი
1	კედლის კონდიციონერი: რეკომენდირებული ფართი-არანაღებ 80 მ2; ტიპი-კედლის კონდიციონერი სპლიტ სისტემა; მექანიზმი-ინვენტორული მექანიზმით; მართვა-ელექტრონული (დისტანციური მართვის პულტით); სიმძლავრე - გაგრილება/გათბობის რეჟიმში არანაკლებ 22000 BTU; ტემპერატურული დიაპაზონი გარე ბლოკი არანაკლებ -10 °C - +40°C; ტემპერატურის რეგულირება - შიდა ბლოკი - ქვედა ზღვარი, არაუმეტეს+17 °C - ზედა ზღვარი, არანაკლებ +30 °C; კვება: 220-240 V ~ 50 Hz.; ფრეონის ტიპი - შემსყიდველთან შეთანხმებით; ფერი - შემსყიდველთან შეთანხმებით; დისპლეი - შემსყიდველთან შეთანხმებით; ხმაურის დონე შიდა ბლოკი- არაუმეტეს 55 db; ძირითადი რეჟიმები: თვითდიაგნოსტიკა; ტაიმერი; სხვადასხვა სიმძლავრით ჰაერის დაბერვის რეჟიმი; ავტომატური რეჟიმი (გაგრილება, გათბობა, გამომშრობა); მიწოდების და სტანდარტული თანმდევი მონტაჟის ვადა ხელშეკრულების გაფორმებიდან არაუმეტეს 15 კალენდარული დღე. გარანტია - არანაკლებ 1 (ერთი) წელი.	ჩინეთი, VOX - ERG D.O.O. NINGBO IMP.&EXP. CO., LTD. VOX-ის ბრენდის მოდელი: IVA1-24IR INV Set	1	2307	2307
2	კედლის კონდიციონერი : რეკომენდირებული ფართი-არანაღებ 20 მ2; ტიპი-კედლის კონდიციონერი სპლიტ სისტემა; მექანიზმი-ინვენტორული მექანიზმით; მართვა-ელექტრონული (დისტანციური მართვის პულტით); სიმძლავრე - გაგრილება/გათბობის რეჟიმში არანაკლებ 6000 BTU; ტემპერატურული დიაპაზონი გარე ბლოკი არანაკლებ -10 °C - +40°C; ტემპერატურის რეგულირება - შიდა ბლოკი ქვედა ზღვარი, არაუმეტეს +17 °C - ზედა ზღვარი, არანაკლებ +30 °C; კვება: 220-240 V ~ 50 Hz.; ფრეონის ტიპი - შემსყიდველთან შეთანხმებით; ფერი - შემსყიდველთან შეთანხმებით; დისპლეი - შემსყიდველთან შეთანხმებით; ხმაურის დონე შიდა ბლოკი- არაუმეტეს 55 db; ძირითადი რეჟიმები: თვითდიაგნოსტიკა; ტაიმერი; სხვადასხვა სიმძლავრით ჰაერის დაბერვის რეჟიმი; ავტომატური რეჟიმი (გაგრილება, გათბობა, გამომშრობა); მიწოდების და სტანდარტული თანმდევი მონტაჟის ვადა ხელშეკრულების გაფორმებიდან არაუმეტეს 15 კალენდარული დღე. გარანტია - არანაკლებ 1 (ერთი) წელი	ჩინეთი, VOX - ERG D.O.O. NINGBO IMP.&EXP. CO., LTD. VOX-ის ბრენდის მოდელი: IVA1-12IR INV Set	1	1139	1139
სულ ჯამში:					3446

მიმწოდებელი: შპს „ტექნოჰაუს“

დირექტორი: მეჰმეთ მელეეი

საკონტაქტო ინფორმაცია:

გელა გაჩეჩილაძე 595 95 95 16

Email: gela.gachechiladze@beko.com.ge

